

Iai inaomataia ataeinaine, ataeinimwane, aine ma mwane ibukin rikirakeia, kamanoaia ao karineaia ma ongoraeana aia iango.

Ma ni kaineti ma te kanganga n irekereke ma te gender inequality ke te kakaokoroaki imarenaia mwane ma aine, ao e kuneaki bwa aine ma ataeinaine aika a kai rotaki n itera aika mwaiti n aron aki banen aia reirei, te moantaai n iein, te aki akonaki ke te bai buakaki, ao ai te kaboaki n te boo ae uarereke riki nakoia mwane.

N te aonaaba aio ao e noraki bwa aine ao ataeinaine e korakora te exploitation (te kammwakuraki n akea karinean inaomataia) te abuse ao te harassment (te bwainikirinaki ao te bai buakaki) nakoia ti ibukin ae aine ke ataeinaine ngaiia. Aikai a ririki n te online ao ni bon te real life naba.

E kakawaki bwa e na uringaki ae iai tabeia aomata nikabane katoka te gender inequality ke te kakaokoroaki imarenaia mwane ma aine, ao kaungan te aonaaba ae tamaroa ao ae a mano raoi iai aine ma ataeinaine.



## Nna kanga n kaota karinean te gender equality ke anua aika tamaroa n te online?

1. **Karineia aomata nako n arom naba are ko kan karineaki iai iroia.** Kabonganai taeka aika iraora ke n tamaroa ma aomata aika ko reitaki ma ngaiia n te online ao ni bon te real life naba. Karinei ao butimwaai kakaokoroia ma tamaroaia aomata n te online.
2. **Uringa are te bully, te harassment ao te violence e aki butimwaeaki.** Ko kona n kaitarai ao n katoki mwakuri aika buakaka, n ikotaki ma ake a kainetaki nakoia aine ma ataeinaine. Ribotini, tuangia raoraom ao karekea buokam.
3. **Kakauongo ao reirei bwaai aika ko riari n atai** – kaungako nakon aia rongorongo ataeinaine ma aine bwaai aika aaitara ma ngaii ao kauka am iango bwa ko na taturaoi nakon iango aika boou. Tibwai rongorongon te gender inequality nakoia raoraom ma am utu.

## Nna kanga n kamanoai man te gender-based abuse online?

1. Kakauongo nakon am namakin ao onimakinna. Ngkana iai am namakin bwa ko mwengabuaka iroun temanna, onimakina am namakin aei ao tai kariaia riki bwaai ke iango tabeua.
2. Karaoa ae riari ao karekea buokam. Ngkana ko rinanon te sexual abuse (te mwakuri tangako ae iowawa) te exploitation (te kammwakuri ae aki karinean inaomatam iai) ke te harassment (te bwainikirinaki ke te tabareaki) n te online ke ni bon te real life, tuanga temanna ae ko onimakinna bwa e kona n buokiko n rinanon am kanganga aei.
3. Ngkana ko nori bwaai aika kaunuun, comments aika a bubuaka n ana post raoraom ke te bwai riki teuana ae ko mwengabuaka iai—reitaki ma temanna ao tuangnga. Ribotina bwaai aika bubuaka, kakamaku, ke anua aika a iowawa n te online ao block (ke tuuka) te aomata ae karaoi bwaai aikai nakoim n te online bwa a naki kona n manga reitaki nakoim.



4. Ngkana iai ae karaoi bwaai nakoim aika ko mwengabuaka ao n aki rau iai, ke n tuangko bwa ko na karaoa te bwai ae koaki kukurei iai, iai inaomatam n "say no" ke n karautaeka.
5. Mena ibuakoia aomata aika ko onimakinia, n aroia raoraom ma am utu.

**URINGNGA: Nikabane aomata iai inaomataia bwa a na mwengaraoi ngkana a online. Tabera nikabane karikan te internet bwa te tabo ae safe ae ti mano raoi iai ngaira aomata.**

Ibukin rongorongona riki, kawara te Netsafe New Zealand's information iaon te [gender-based](#) ao te [gender identity-based](#) online abuse.

